

Nunanit allanit tikeraat unnuisarneri 2008-mi amerleriartut

Tikeraat amerleriartut

Tikeraat unnuisartut 84.000-it pallillugit 2008-imi unnuisimapput, ukiup siuliani 83.000-iusimallutik, qaffariaat tassani 1,5 pct.-iulluni. Amerleriarnermut pingaarnertut peqqutaavoq tikeraat Nunanit allaneersut 1.000-it missingerlugit amerleriarsimanagerat, tamaalillutik tikeraat Nunanit allaneersut 15.000-it missaaniissimallutik. Akerlianilli kalaallit qallunaallu tikeraat nikeriarpiarsimanngillat, taakkua 69.000-t missaaniillutik.


...unnuinerit aamma amerleriartut

2008-imi unnuisarnerit 237.000-it missaaniippat, ukiup siuliani 234.000-ngajallutik. Tassani qaffariaat 1 pct.-iuvoq. Aggvaqatigiissillugu tikeraaq ullut 2,8-ni unnuisarsimalluni.

Tamanna takuneqarsinnaavoq saqqummersitami *"Overnatningsstatistikken 2008"*, Naatsorsueqqissaartarfiup nittartakkamini www.stat.gl -mi saqqummerseqqammi-gaani.

Titartagaq

Unnuisarnerit nikerarnerat, 2006-2008



"Nunat allat"- niit tikeraat unnuisarnerat

Titartakkami qulaani takuneqarsinnaavoq Nunanit allanit tikeraat unnuisarnerat 2008-imi qaffariarnerpaasimasooq. Nunanit allanit tikeraat unnuisarneri 2007-imi 35.500 pallissimavaat, taakkulu 2008-imi 42.000-inut qaffassimallutik. Qaffariaat 18,9 pct.-iulluni. Nunat ataasiakkaarlugit isigigaanni Nunanit allanit tikeraat unnuisartut suminngaanneernerat allanngorarsimavoq. Tikeraat unnuisartut USA-meersut unnuisarnerat unnuinernik 2.200-nik appariarsimapput, appariaat 25,3 pct.-iulluni. Akerlianilli tikeraat unnuisartut Japan-imeersut unnuisarneri marloriaamik qaffariarsimapput.

...Kalaallit tikeraat unnuisarnerat appariartoq

2008-imi kalaallit tikeraat unnuisartut ukiup siulianut sanilliullugit nikeriarpiarsimanngillat, tikeraat kalaallit 42.000-it missaaniikkamik. Taamaattorli kalaallit tikeraat unnuisarneri appariarsimapput, unnuisarnernik 4.500-nik appariarsima-

gamik. Appariaat -3,9 pct.-iuvoq. Appariarnermut pingaarnertut peqqutaavoq, ukiup siuliani kalaallit tikeraat unnuisarnerat ataatsimeersuarnerit peqqutigalugit qaffaria-ngaatsiarsimanagerat.

Pdfl-fili **"Overnatningsstatistikken 2008"** pdf-filitut aaneqarsinnaavoq Naatsorsueqqis-saartarfiup nittartagaani www.stat.gl imaluunniit Naatsorsueqqissaartarfimmut piniarneqarsinnaalluni.

E-mailikkut pisartagaqalerit Kisitsisinik nutaanik Naatsorsueqqissaartarfiup saqqummersitaanik tusartinneqar-tarumaguit uunga nutaarsiassaqqartinneqartalerit: Iserfigiuk www.stat.gl qinigassani saamerlermi toqqaruk "nutaarsiassat" tassanilu ilanngugit. Taava kisitsisinik nutaa-nik saqqummertoqaraangat e-mailikkut nalunaarfigineqartalissaatit.

Paasisaqarusunneruguit siunnersortimut Najaaraq Kreutzmann-mut nakr@stat.gl e-mailer-lutit imaluunniit tlf. 36 23 70-mut sianerlutit saaffiginnissinnaavutit.

Inussiarnersumik inuulluaqqusillunga

Najaaraq Kreutzmann
Naatsorsueqqissaarnermut siunnersorti